

Reuter, Fritz: 6. Dat wir bald wat worr'n (1842)

- 1 »gu'n Morgen, Herr! Gu'n Mornn, Herr Rat!«
- 2 So kümmt oll Schult un Smidt tau Dör herinner.
- 3 »na«, seggt de Rat Berlin, »wat bring' ji, Kinner?«
- 4 »je, Herr, wi kamen twors en beten lat,
- 5 Indessen let sick't doch nich ihre maken,
- 6 Denn mit Gefangn'n – dat sünd so'n Saken;
- 7 Dat tägert ümmer gor tau lang'.«
- 8 »na, Kinner, seggt: wat willt ji mi?«
- 9 »ih, Herr, wi bring'n Sei den Gefangn'n,
- 10 Den Häupter von de Röweri,
- 11 De dunnt tau Lübbersdörp passiert.«
- 12 »dat is jo schön! Dat is jo prächtig, Kinner!
- 13 Denn bringt den Kirl man glik herinner;
- 14 Nu heww'n w' de Spitzbauw'n alltau hopen.«
- 15 »je, Herr!« seggt Schult, »uns' is uns man schappt,
- 16 Vör'n beten is hei weg uns lopen.«

(Textopus: 6. Dat wir bald wat worr'n. Abgerufen am 23.01.2026 von <https://www.textopus.de/poems/52356>)